

TUSI FAILOTU KAIGA



**MASINA O OKETOPA
2022**

KO TE FAKAAOGAGA O TE TUSI FAILOTU I KAIGA

A te tusi tenei ne fakatoka atu mai loto i te Ulu Ofisa a te Ekalesia Kelisiano Tuvalu mo fesoasoani ki te fakatokaga mo faiga Lotu i Kaiga mo Fakapotopotoga, e pela foki mo lotu ‘talo i Asotapu. E se konei fua a mataupu talosia; kae e tuku matala eiloa manafai e isi aka ne isi mataupu e mafauaugina ke fakapitoa ki ei a te faiga talosaga mo tapuakiga.

KO TE FAKATOKAGA MO MATAUPU TALOSIA.

Ke talosia ne tatou a mataupu konei i te agaga maluga mo te talitonu me i te Atua Tolu Tasi Tapu e fakalogologo mai ki manakoga o o’tou loto takitokotasi e auala i otou talosaga fai konei.

- Ke mafai o lavea kae fakamaoniga a te iai o fuataga o te pulepulega ‘lei io me ko te taupulega ‘lei i te fakatelega o te Malo.
- Ko takitaki o te Malo ke fai a olotou tulafono mo ikuga fai ki te mea tela e loto ki ei te Atua.
- Ko sui filifilia ki te Palamene ke mafai o ga’lue fakatasi mo te manuia o te Atufenua.
- Ke mafai o atagina kae fakatalitonugina i te Malo a te tonu o tena muna fakavae: **‘Tuvalu mo te Atua’**.
- Ke mafai o fakaasi i te olaga o aso takitasi i takitaki o te Malo a te olaga tautua e se gata mo tino o te Atufenua kae maise te Atua mo tena Ekalesia tapu.
- Ko takitaki o te Atufenua ke mafai o ola i te olaga amiotonu, ava kae matakū ki te Atua.

KO TE EKALEZIA KELISIANO TUVALU.

- Ke tupu ola a te foitino lavea o Iesu Keliso (tela ko tena Ekalesia) i loto o te Atufenua.
- Ko Faifeau ke fakavae tonu a te galuega ki loto o te Atua, kae e se ko mea e ‘loto a latou ki ei.
- Ke mafai o tumau a te loto malosi mo te talitonu ki te Alikī te Atua mo ana fakamanuiaga ki a tatou i aso takitasi o te olaga.
- Ko Kelisiano katoa ke ola i te olaga talitonu mo te fakamoemoe ki te Alikī te Atua i mea katoa.
- Ko te Ekalesia ke folafola a te Tala ‘Lei o te Fakaolataga a te Atua ki tino katoa.
- Ke fakamalosī o fakataunu a te akoakoga o fanau i Fetuvalu e pela mo te fakamoemoega o te Ekalesia Kelisiano Tuvalu.

KE OLA TATOU I SE OLAGA OLA MO NISI.

- Ke talo tatou mo nisi kola e fia ‘kai kae fia inu ki te Muna tonu o te Tala ‘Lei o te Fakaolataga a te Atua.

su, e tenei te tulaga e mafai ei ne te Kelisiano o oko ki te Keliso mafai e tumau tena fakamaoni kia Keliso.

Aso Gafua 31 Oketopa 2022

Tusi Faitau: 1 Kolinito 1: 20-31

Fuaiupu filifilia: 22 “Tela la, a te tala lei tena se mea valea ki tino Iutaia

me manako ki vavega. E pena foki tino Eleni me salasala latou ki te poto.

Ulu o te aso: TE SATAULO KO TE POTO O TE ATUA

A te sataulo se faifaiga o fakasalaga ne masani o fakatino ne te malo o Loma ki pagota io me ko tino kola e soli tulafono. E tenei te pogai ne kata fakatauemu kae kilo malalogina ei a te Keliso ne faka sataulogina ne tino Eleni mo tino Iutaia. Te poto o te Atua tela ne fakaasi i luga i te sataulo ne se maua ne te poto o te Eleni o fakamatala ki sona katoaga. E sala faeloa te Eleni ki te poto ke maua ne ia a te fakaolataga, e pena foki te Iutaia, e manako ki se Keliso e vau tonu loa mai luga i te lagi, se Keliso e mafi kae aumai foki mo tena kautau faka te lagi. Konei a manatu ko pono ei te lotou kiloga ki te poto o te Atua tela ne tautau i luga i te sataulo. Ko tusi atu la a te apositolo ki Kelisiano i Kolinito o fakamaina kia latou a te mataupu tenei ki te sataulo, aua ko te sataulo se mea valea ki te Iutaia mote Eleni kae ko te poto sili tena o te Atua ko fai ei mo mitamitaga o so se Kelisiano i tona olaga kausaki.

- Ke talo tatou mo tino puapuaga i te lalolagi, e penei mo tino konei:
- Tama’liki fakaa’lofa, fafine ko ‘mate a olotou avaga, latou kola ko pokotia a olotou olaga ona ko taua, matagi malosi mo nisi fakalavelave tupu fakafuasei i te lalolagi.
- Ko tino ko seai ne mea’kai mo mea inu, kae ko seai foki ne fale e mafai o faka’malu ki ei, mo latou ei kola e faigata o maua ne fesoasoani ki te tausiga o te olaga.
- Ko tino se katoatoa ‘lei a olotou foitino mo olotou mafaufau.
- Tino fakapuapuagatiagina ona ko pulepulega se ‘lei.

KO ASO FAKAMANATU I LOTO I TE ATUFENUA.

- Kalena a te Ekalesia Kelisiano Tuvalu.
- Aso o te Malo.
- Aso o Fenua takitasi.

KO FAKAPOTOPOTOGA A TE EKALESIA KAUFAKATASI.

- CWM, WCC, WARC, PCC, WACC mo nisi Fakapotopotoga.

Asoono. 01/10/22.

T/faitau. Kolose. 3. 12-17.

Fuaiupu filifilia. 15.16. Ke pule i otou loto te filemu o Keliso, me ko ia tena ne ana kalagagina koutou i te foitino e tasi, ke maua foki ne koutou te loto fakafetai. Ke tupu ola te muna a Keliso ia koutou, manafai e akoako atu io me polopoloki atu koutou ki se tino i poto valevale, ke pena foki manafai e pese atu koutou i te loto fakafetai ki te Atua i salamo, mo pese mo kupu faka te Agaga.

Ulu o te Aso. Ko te filemu o Keliso.

Te tusi a Paulo ne tusi ki te Ekalesia I Kolose o fakamalosi me ko iloa ne ia me isi ne faiakoga loi I loto I te Ekalesia ko akoako ne latou se talaiga e seke. Ko fakamalosi ne te talaiga se tenei me I te iloa o te Atua mote maua o te fakaolataga katoa, a te tino e tau o tapuaki ki naai vaega o tino, kola e isi ia latou se malosia faka- te –agaga mo tino pule. Kae fakaopoopo ne faiakoga konei, me I te tino e tau o tausi ki faifaiga fakapitoa, pela mo te pilitome kae tau foki mo ia, o tausi ki tulafono taua e uiga mo meakai mo nisi mea ake.

E tusi ne Paulo I konei o fakaasi tonu ki Kelisiano talitonu I Kolose me i a Iesu Keliso ko ia fua e mafai ne ia o tuku te fakaolataga katoatoa ki tino talitonu. Ke moa koutou e fakalogo ki talaiga konei, ako akoakoga kola

Kolinito, mo Kelisiano kola ko fai mo ia i te soko tasi mo Keliso Iesu, pela foki mo tino katoa i fenua valevale kola e kalaga ki te igoa o te Aliko o tatou ko Iesu Keliso, ko te Aliko o latou mo tatou.”

Ulu o te aso: KO TE KALAGAGINA KE FAI MO TINO O TE ATUA

I te masaniga a tatou, e masani tatou o too manatu ki faiga o aso ko teka mafai ko isi se mea e tupu i aso nei. I te masani a te Ekalesia, kafai ko isi se mea faaletonu ko tupu i aso nei, e masani o lagona ne tatou a nisi e fai aka pela, e gali atu loa a faifaiga kola ne fakatele ki ei te ekalesia i aso mua. Kae i te kiloga a te apositolo ko Paulo ki te Ekalesia i Kolinito e kese, aua Kolinito i te kamataga e uke a faifaiga se lei i ei; ko te mavae ko avaga, tapuaki ki atua faapaupau, ko talitonuga fakase tino, mo nisi uiga kola ne fepakipaki mote apositolo ko Paulo. I te mau a te apositolo e seai se ekalesia e fakatu e lei katoatoa e isi loa ne ana vaivaiga, ko te fakamasaua la me ko te kalagagina o latou ke fai mo Kelisiano, e aofia ei tino katoa, Iutaia, tino o Fenua fakatea, tino mativa ko takugina katoa latou ko fagasele a te Atua. A te olaga o Kelisiano i Kolinito e pau loa mo te olaga o Kelisiano Tuvalu, ne tagata koi taumafai o sui mai te olaga mua ki te olaga fou ia Iesu Keliso. Konei a muna a te apositolo i ana muna kamata, mo Kelisiano ko la ko fai mo ia i te ‘soko tasi mo Keliso Ie-

te munatonu mo kafanoa e li fakatamilo i otou taugasulu; ke fakapei ki luga i otou foitino a te amiotonu ke fai mo otou ufifatafata).

Ulu o te aso: KO GATU TAU O TE TALA LEI

Ko tukutasi ne te tusi tala a te kano loto io me ko te fekau o te tusi katoa o Efeso i te faitau o te taeao tenei. Ko te lalolagi tenei se lalolagi e fonu i te agasala, ko ala ei o fai tatou mo tavini a te Atua e galue mo te lei o te lalolagi tela ne faite ne Ia ke puu matagali i te kamataga. A gatu tau o te tala lei ko gatu tau kola e tau o pei ki ei so se Kelisiano, aua ko te palani a te Atua se palani ke tasi a tino katoa ia Iesu Keliso. Ko te fai la o Kelisiano mo kautau e tasi, ko te olagina ne latou a te amiotonu, fakatuanaki, maise ko akoakoga a te Aliko e fesoasoani ei ki te galuega fakaola a te Atua i te lalolagi agasala tenei. Aua ko uke mea ko tupu i ona aso nei ko molimaugina ne tatou, ko taua, ko te ola fakaalofa o nisi i pulepulega takafiatou, maise ei ko te fakamasei ne te tagata a te lalolagi puu matagali a te Atua ne faite. E taua la ke pei tatou ki gatu tau o te tala lei, ke matea ne taua a te fakataua o mea konei e 2, ko mea faka te lagi, mo mea faka te lalolagi.

Aso Tapu 30 Oketopa 2022

Tusi Faitau: 1 Kolinito 1:1—19

Fuaiupu filifilia 2 “Ko tusi atu a te tusi tenei ki te Ekalesia a te Atua i

ne akoako ke pule I otou loto te filemu o Keliso, me ko ia tena ne ana kal-agagina koutou I te foitino e tasi, ke maua foki ne koutou te loto fakafetai ki mea e maua ne koutou mai tena tuku mai. Kae ke tupu ola te muna a te Atua I otou loto ke moa koutou e gasuesue fakatea, kae pese atu koutou I te loto fakafetai kit e Atua I salamo, mo pese mo kupu faka te Agaga I tou loto talitonu I te filemu o Keliso tela ko oti maua ne tatou, ke tumau la tatou I ei, kae se ko talaiga fou konei ia taua mana fakasegina. Ko te filemu o Keliso ne vau ei a ia ke mate ke maua ne tatou te ola se gata mai, mafai tatou e talitonu ki tena mate mo tena toetu.

Asotapu. 02/10/22,

T/faitau. 1 Tupu. 1.1-18.

Fuaiupu filifilia. 5. A Apisaloma ko oti ne mate atu, kae ko Atonio te tama a Tavita mo Hakita, ko fai nei mo toekimua, kae ko ia eiloa ko taulekaleka. A Tavita e seki kaitaua eiloa ki ei, kae ko oko eiloa I tena manako ke fai a ia mo tupu. Ne fano Atonio o sala mai ne ana kaliota, mo solofanua, mo ne tagata e tino lima ke olo sale mo ia.

Ulu o te Aso. Atonio ko fai a ia ne ia loa ke tupu.

Ko te tala ki te tamaliki tagata a Tavita ko Atonio ko manako a ia ke fai loa a ia mo tupu o Isalaelu o sui tulaga ki tena tamana ko Tavita ako Tavi-

ta seki mate ako matua fua. Ne taumafai a Atonio o sala ne auala ke isi ne tino e lagoon malo ki a ia ke fai a ia mo tupu. Tela ne fano ei a ia o sala mai ne ana kaliota, mo solofanua, mo ne tagata e tino lima ke olo sale mo ia. E lavea ne tatou I konei me ia Tavita ne tauto ki a Patisepa me ia Solomona ka sui ne ia Tavita te tupu o Isalaelu me i tena tama ko Atonio ko salasala ne ia se auala ke fai loa a ia mo tupu. E lavea ne tatou te fia fai tulaga mo te fia maluga ne manako ki ei Atonio, kae puli ia Atonio me e isi loa se fakatokaga te olotou tamana mo latou. Tela ko oti ne ofo ne Tavita tena tama ko Solomona ke sui tulaga ia ia. E lavea ne tatou moi fai ne se tonu te fakatau a Tavita ke sui tulaga a Solomona I tena tulaga fakatupu e pe-nei e isi foki se fakatokaga a te Atua o fakatonu ki a Tavita mese tonu te mea tenei e fai ne ia. Ako te Atua ko oti ne lagona ne ia te tauto a Tavita ki te Atua mo Patisepa te matua o Solomona me ia Solomona ka sui tulaga ia ia Tavita ke fai a ia mo tupu o Isalaelu. Te Atua se Atua fai mea tonu e lavea ne ia mea katoa kola e tau o fai e fialia a ia ki ei. Atonio e mafaufau pela me I te Atua e manako ki kaliota mo solofanua mo tena tulaga fakatupu, te Atua e manako ki tino loto malalo mo te fakalagolago ki te Atua i mea e fai ne ia. E molimau ne te Salamo napa 18. 27. E fakasao ne koe a latou kola e loto malalo, kae fai ne koe ke malalo a latou kola e loto fakamaualuga. Te Atua e lavea ne ia a loto o tino takitokotasi. Ne aumai ei ne ia tena tama ke mate ke se malaia sose tino e fakatuanaki

tumau i te meatonu te la ko oti ne tokigina ne Paulo i te Ekalesia, aua e tofotofogina latou ne te Atua i olotou loto. Fai mai tem au a Paulo a te loto ko te nofoaga e sokotaki ei mafaufauga mo lagona ki mea kola ko oti ne akoako kae fakalogo kiei te tagata talitonu. Fautuagina la a Kelisiano i Tesalonia ke fai latou mo Kelisiano e fakatuagagina i te feitu paa o te Tala Lei, pena foki te feitu paa o Paulo mo tena galuega talai. Aua i manatu o Paulo, e seai ne fakakolekolega i tena galuega talai, aua a ia e faipati ki te munatonu, te ola fakalagolago ki te Atua mo te ola fakatuanaki ki te Keliso toetu.

E tenei foki te feitu taua e manakogina ne so se ekalesia, ko te faipati ki te munatonu, ola fakalagolago ki te Atua i so se mea e fai ne tatou. Mo a e fakaaoga ne taua te Atua mo auala e fakamalie fua i ei a taa loto ki mea kola e fialia tatou ki ei, ikai. Kae ke fai tatou mo ekalesia e fakatuagagina i taa galuega talai.

Aso Ono 29 Oketopa 2022

Tusi Faitau: Efeso 6 10—20

Fuaiupu filifilia 12 & 14 (Me i a tatou e se taua mo tino, kae taua mo malosi masei faka te tiapolo i te lagi, ko pule, malo, mo te malosi o te lalolagi pouliuli i aso nei. Tela la, ke 'tu mautakitaki koutou: ke fai a

pati ko fakaaoga ne te tusi tala, kae kote mataupu e 3 ko aumai i ei se fakamoemoega ola mo tona Fenua. Faipati la te tusi tala ki te lotu te kiloga a te Atua mo tona Fenua mo aso mai mua, aua i te lotu talitonu o te tusi tala, e matea ne te Atua, e atafia ne te Atua a so se mea e tupu aua me poko kae lauefa tena kiloga.

E tenei te fakamoemoega mo tatou Kelisiano, e seai se mea e galo i te kiloga a te Atua. I tou fakalavelave, ko fitaga o te olaga nei, fakamasaua mai ne te tusi tala ke maua ne tatou a te ola kufaki kae fakatalitali ki te olataga mai te Atua, aua e poko kae lauefa a te kiloga a te Atua.

Aso Lima 28 Oketopa 2022

Tusi Faitau: 1 Tesalonia 2:1—8

Fuaiupu filifilia: 3 & 4 (A te motou fakatagi e fai atu ki a koutou, e se fakavae i luga i mea ‘se io me ko faiga se tonu, io me ko matou e taumafai o fakaloilo i se tino. E faipati sale e iloa matou e pela mo te mea e lotu ki ei te Atua, ne talia kae fakamaoni ne ia a te Tala Lei ke tuku mai ki a matou, a matou e se taumafai o fakafiafia tino, na ko te Atua tela e tofotofu ne ia omotou lotu).

Ulu o te aso: TE LOTO O TE TAGATA E FUI FAKAMALIEGINA

Ko mea taua ne tusigina ne te apositolo ki te Ekalesia i Tesalonia, ko te

ki a ia ake maua ne ia te ola e se gata mai.

Asogafua. 03/10/22.

T/faitau. 1Tupu. 1. 28-48.

Fuaiupu filifilia. 38. Tena ne puke atu a Satoka mo Natano mo Penaia mo te sotia tausi o Tavita o fakasopo Solomona ki luga I te miula a te tupu, taki atu ei ne latou ki te vai o Kaiona.

Ulu o te Aso. Solomona ko fai mo tupu.

Se vaega taua ko maua ne Solomona mai fakatokaga a te Atua mo te olaga o Solomona ko fai a ia mo tupu o tena fenua. E lavea ne tatou tea ta o Atonio ne manako a ia ki se tulaga maluga I tena fakatau tela ne sala ei ne ia ne tino tokouke ke lagomalo kit e tulaga koi a ke tupu kae fakaaoga foki ne kaliota mo solofanua mo ana fano sale I ei ako ia e seai se tupu. Ne lagona ne te vaitino te logoa o te fakai fesili ei Atonio sea katoa te logoa o te fakai, ne lagona ne Ioapo a tagi o pu. Ko oi tuai o palele a pati a Atonio ako sae atu a Ioanatana, vau ki konei, a koe se tagata lei, kaati koe e vau mose tala lei. Ne tali atu a Ionatana, e seai se tala gali, se tala fakafanoanoa a Solomona ko oti ne fakasopo ne tena mal ute tupu ko Tavita ke fai mo tupu. Ne uga ne Tavita a Satoka mo Natano mo Penaia mo te sotia tausi a Tavita ke olo fau’ a Solomona I te vaitafe kaiona ke fai mo tupu. Ne fakasopo foki ne Tavita a Solomona ki tena miula olo ei fau’ ki

tena tulaga fakatupu e sui ei ne ia tena tamana ko Tavita. E lavea ne tatou I konei ne fakamuamua ne Solomona te Atua I tena mafaufau, kae ne talia foki ne ia muna a tena tamana ko Tavita ko oi tuai ei a Tavita o mate, tela ne filifili ei a ia ke fai mo tupu o Isalaelu. E tau mo tatou o loto malalo, seai se fia maluga, pela mo Iesu ne vau a ia I te loto maulalo, ne tautau a ia I te koga maluga, kea? ke ola te lalolagi katoa, mafai e talitonu tatou ki tena mate mo tena toetu.

Asolua. 04/10/22.

T/faitau. 1Tupu. 3. 3-15.

Fuaiupu filifilia. 9-10. Tela la, tuku mai te poto ki a au ke mafai ne au o takitaki tou fenua i te mea tonu kae ke mafai foki ne au o iloa te mea lei mo te mea masei. Ka mafai pefea ne au o taki te fenua tokouke tenei, manafai e seai se poto I a au? Ne fialia te Aliko ki te fakamolemole a Solomona tena,

Ulu o te Aso. Solomona ko akai ki te Atua ki te poto.

Te tusi ne faitau ne tatou ko te tala I te tupu ko Solomona ko talo fakamolemole kit e Atua ke aumai te poto ki a ia ke takitaki ki ei te fenua o te Atua ko Isalaelu. Solomona ko te tamaliki tagata a Tavita se tupu ne alofagina ne te Atua tela ne fakataunu loa ne te Atua tea kai a Solomona kit e

Atua ki kupu o te taeao nei, oku tino ko fakaloiloigina ne pelofeta pelo, i te fakamunaga tenei ko manatu te Atua me e se tau a takitaki o tena Fenua o fialia ki uiga penei, kae e tau latou o saga tonu o fai a te meatonu aua latou ko te Fenua filifilia o te Atua.

E taua a te akoako mai o te Tusi Faitau o te aso tenei, moa e saga fua taua ki tino kola e maua mai ei ne tou manuia kae fulitua atu kia latou kola e seai ne manuia e maua mai ei. Masaua me sili atu ma saga tatou ki a latou kola e manakogina se fesoasoani o fesoasoani kia latou i te foitino, te mafaufau maise te agaga.

Aso Fa 27 Oketopa 2022

Tusi Faitau: Tagiga a Ieemia 3: 25—36

Fuaiupu Filifilia: 35 & 36 (E iloa foki ne Ia manafai ko se maua ne tatou a te saolotoga ki mea ne aumai ne ia ki a tatou. Kafai ko piko te fakamasinoga i te fonu, e iloa foki ne Ia.

Ulu o te aso: KO TE ATUA MO TENA KILOGA E POKO KAE LAUEFA

I tala fakasolopito o te tusi faitau o te taeao tenei, e fakamatala ei a te faka takavalega o Ielusalema ne te malo o Papelonia. E se gata i te faka takavale, kae ne nitu palagina a ona pui ki lalo ne te fili. E ui i te mafa a

loto i mafutaga faka Fenua, faka kaiga, fakapotopotga, kae maise i lotu i te olaga faka Kelisiano. Matea ne tatou a te nuti palagina o nisi kelisiano vaivai ne kelisiano malosi maise te fai o te meatonu. Tela la se fakamasauaga me i uiga penei e se fiafia kiei te Atua, aua tatou e paaga tasi katoa i te alofa fai-vasaga o te Atua.

Aso Tolu 26 Oketopa 2022

Tusi Faitau: Mika 3: 5—8

Fuaiupu Filifilia: 5 (Oku tino ko fakaloiloigina ne pelofeta kola e folafola ne latou te filemu ki tino kola e togi tupe ki a latou, kae folafola te malaia ki a latou kola e se togi tupe atu ki a latou.)

Ulu o te aso: KO UIGA FAI O PEROFETA PELO

I te faitau o te taeao tenei, ko molimau mai a Mika me kafai e lei te togi o koe mai tino, ka pena foki o folafola ne koe kia latou a te manuia mote filemu o te Atua, kae kafai e sei ka folafola ne koe a te malaia mo fakasalaga ka oko kia latou. I faifaiga konei se tonu a perofeta pelo, ko ala ei o lasi te vasia o te tino maumea mote tino mativa i luga i te itu malo o Iuta. Ko nuti palagina a tino mativa mo tino fakalofa ne faifaiga mo molimau pelo a perofeta pelo konei, aua ko nofo a tino mativa mo tino fakaalofa mo olotou manatu meko se manatua mai latou ne te Atua. Konei a lagona ko ala ei o gana te

Atua. E uke tulaga faigata ne fakafeagai mo Solomona, ne fakana te tupu kit e fesoasoani o te Atua, tela ne ofo ei a tino o te fenua ko Isalaelu ne fakalavelave faigata I vasia o kinauga o tino ne mafai faeloa ne Solomona o fakatoka. Ne takutakua a Solomona me ko ia ne faite ne ia te Faletapu muamua o te Atua I Ielusalema ne ofo valevale a tino I fakatokaga o mea e faite ei te faletapu mot e ata ko lavea ne tino, me ko tuu tea ta o te faletapu o te Atua. Ne mafai ne ia o fait e galuega me fakalagolago kit e Atua I tena galuega e fai. Tela ne mafai ei ne ia o fakaoti te faletapu o te Atua mot e fakatakitakiga o te fenua o te Atua ki tena poto ne aumai ne te Atua. Me iloa ne ia me ko te Atua o ana tupuga ne manuia ei a te kaiga'. E pela loa mo te tusi a te toeaina ko Iakopo ki tino o te Atua kola e salalau I feitu katoa o te lalolagi. Iakopo.1.5. Kafai se tino o koutou e se maua ne ia te poto, e tau mo ia o talo kit e Atua, me ko ia tena ka tuku mai ne ia ki a ia, me I te Atua e tuku mai fua ne ia te poto ki tino katoa I te Agaga alofa mot e kaimalie.

Asotolu. 05/10/22.

T/faitau. 1Tupu. 3. 16-28.

Fuaiupu filifilia. 25,26a. Tena fai atu ei a ia penei, “Vaelua te pepe tena, tuku te afa e tasi kit e sua fafine ka ko te sua afa ki te sua fafine. A te matua tonu e iloa o te pepe, ko oko e iloa I ana alofa ki tena tama, tena ne

fai ei a ia kit e tupu penei, Tou malu, fakamolemole, sa tamategina te pepe; Tuku atu ei ki te fafine tena.

Ulu o te Aso. Ko te fakamasinoga ke fai te meatonu.

Te tusi ne faitau ne tatou ko te fakatokaga tonu ne fai ne te tupu ko Solomona I te vasia o fafine e tokolua fafine ne fanau tasi I te fale e tasi, I te taeao ko mate tamaliki a te sua fafine nofo at ute fafine tela ko mate tena pepe suiaki ei ne ia I te pom o te fafine tela e ola tena pepe. Ne kinau fafine konei e tokolua ne ave ne laua tela fakalavelave ke fakaiku ne te tupu ko Solomona. Ne kalaga atu te tupu ko Solomona ki tena sotia ke puke mai se naifi kea fa lua te pepe tenei e ola, sua afa ma te sua fafine, sua afa ma te sua fafine. Ne lavea ei ne tino te poto o te tupu ko Solomona ne lagona ei ne ia ki tena loto tem atua tonu o te pepe I fakatokaga a te Atua kit e tupu I te faipatiga a tem atua tonu o te pepe “Tou malu, fakamolemole, sa tamategina te pepe, tuku atu ei kit e fafine tena. Ne lagona kit e loto o te tupu ko Solomona a muna a tem atua tonu o te pepe me tenei tonu e iloa tem atua o te pepe tenei ko oi ola. Kaia ne faigofie ei a fakamasinoga a te tupu I fakalavelave tupu, me ia ia e fakalagolago kit e Atua I tena nofoaiga fakatupu.

Aso Lua 25 Oketopa 2022

Tusi Faitau: Aмоса: 5: 1—10

Fuaiupu Filifilia: 10 (A koutou e takalialia ki tino amiotonu kola e faipati ki te mea tonu i fakamasinoga.)

Ulu o te aso: KO TE TAKALIALIA I TE AMIOTONU

Amosa se perofeta ne ugagina ne te Atua ke fakaoko atu te fekau a te Atua ki tino Isalaelu ki matu ona ko olotou faifaiga se tonu. Ko vaitau o te maumea ko fai valevale i te Fenua ko Isalaelu, tela ko galo i ei ia latou a te fai meatonu. Ko vaitau ko tuuga malie ei a olaga o te kau maumea kae atili ei o fakalofa a te mativa. Te maumea ne ligi mai ne te Atua mo tona Fenua, kae ko fai mo auala e fakapologa ei te mativa ne te maumea. Konei a uiga ko ala ei tino Isalaelu kola e lei a olaga o teke ki te fekau a te Atua e auala atu i tena tavini. Te Isalaelu ko takalialia o fai te meatonu ona ko te sua malie o te maumea, te se fakamaoni ki tapuakiga ki te Atua ko sona fai fua ona ko te manatu mama. Te se fakamaoni tenei o te Isalaelu, ko avatu ei te fekau a te Atua ko te mea ke salamo latou ki olotou agasala, kae toe foki ki te Atua e ola ei latou. Aua kafai e tumau a te takalialia o te Isalaelu ki te amiotonu o te Atua, ka siga te Isalaelu ki te laukele kae ka se toe tu e iloa ki luga.

I te olaga tenei e ola ei tatou, e uke a pokotiaga penei e lavea ne tatou i

fakaiku ne Ia a tonu o te fonu a atua penei.)

Ulu o te aso: TE ATUA KO TE FAAMASINO SILI

Ko faipati te fai Salamo 82 ki te potu fai fonu malu a te Atua. E fakaasi mai ne te Salamo tenei i te Atua ko te pule aoao i loto i te potu fonu tenei, tela e tu a ia i luga i tena tulaga o te fai mea tonu o agai atu kia latou kola e teke mai kia Ia. E se gata i te tuu o Ia i tena tulaga fai meatonu kae ko tena fakamasinoga tonu ka pakuu loa ki luga ia latou kola e teke kae se fiafia ki te Atua. I te faitau e 2, 3 mo te 4 e atagia i konei a uiga o tino kola e teke ki te Atua. Ko olotou faiga se tonu ko ala ei o fakalofa a tino mativa, ko tamaliki ko mate olotou matua, mo tino fakaalofa ona ko faiga masei a nisi. Faipati la te fai Salamo ki te fai meatonu o te Atua mo tena fakamasinoga tonu ke takitaki kiei a Fenua katoa o te lalolagi ko te mea ke se toe i ai ne uiga teke mo amioga fakasaua i te lalolagi tenei , kae ke maua te ola filemu mo te fai meatonu o te Atua i te lalolagi tenei e ola ei tatou.

Se fakamasauaga taua moa e manatu ifo tatou me ia taua e lei katoatoa kae ko nisi e se lei, io meko taua e fakamaoni kae ko nisi e se fakamaoni. Aua kafai ko masani tatou ki uiga konei, ko tena uiga ko faka se aoga ne tatou a te manakoga o te Atua ke olagina ne te tagata i te lalolagi tenei ko te ola fealofani mo te ola filemu a ona tagata. Masaua i te Atua e tuu faeloa i tena tulaga fai meatonu, e tau foki la mo tatou o faka malie te loto o te Atua i tou ola tautua mo Ia.

Asofa. 06/10/22.

T/faitau. 1Tupu. 6.1-14.

Fuaiupu filifilia. 14. Tena, ne palele eiloa te Faletapu ne faite ne Solomona.

Ulu o te Aso. Solomona ko faite ne ia te Faletapu.

Ne lagona ne Solomona te fiafia me ko kamata te faitega o te faletapu o te Atua, se galuega e faigata me ko faletapu o te Atua, tela ka tapuaki ki ei a tino o tena fenua ko Isalaelu i te fia tausaga ne seki ai ei se faletapu e tapuaki ki ei ana tino ki te Atua olotou tupuga. Ko tonu i te filifiliga a te Atua me ko Solomona te tama Tavita ka faite ne ia te Faletapu. Ne fakatokaka te galuega i te aumaiga o kopekopega mo fai te galuega i fenua mao, kae lavea ne tatou a auala o te Atua i fakatokaga o kopekopega o tena faletapu ne talia ne ulu o malo olotou maumea ke aumai mo faite faletapu o te Atua i Ielusalema. Ne faigofie kae ne talia a fakatokaga konei, ne teletele lei loa te galuega a Solomona i te fesoasoani o te Atua ki te tupu ko Solomona ki tena fakatokaga tela ne fai ki te tamana o Solomona ko Tavita me ko tena tama tagata ko Solomona ka faite ne ia tena faletapu, ne fesoasoani te Atua ki a Solomona i te aumaiga o loto o tino o tena fenua ke lototasi o fai te galuega. Ne iku mo te manuia te galuega a Solomona i te kau fakatasi mai o te Atua ki a Solomona. Tela e vikia faeloa ne

Solomona te Atua i ana mea e fai. Ko mea e fai ne tatou ke se fai mo fai ou vikiga mo tavaega mai te tino, ake fai mea ne fai ne koe, e tumau ei tou talitonu me ko te Atua ne fakataunu ne ia a mea ne fai ne koe.

Asolima. 07/10/22.

T/faitau. 1Tupu.8. 1-13.

Fuaiupu filifilia. 11e. kae ko te maina faka eiloa me i te Atua ko nofo i loto i te Faletapu.

Ulu o te Aso. Te Pusa o te Feagaiga ko aumai ki te faletapu.

Ko fakamaopoopo ne Solomona a takitaki katoa o matakaiga mo kaukai-ga o Isalaelu ki Ielusalema ko te mea ke puke mai te pusa o te feagaiga me ko oti te Faletapu o te Atua ne faite ne Solomona te tama a Tavita mo tapuaki ki ei te fenua o te Atua ako te pusa o te feagaiga ke tuku ki loto i te faletapu o te Atua. I loto I te pusa o te feagaiga ko papa fatu eiloa kola ne tuku ne Mose ki loto i te pusa o te feagaiga i te lotou nofoga i te mauga o Sinai i te taimi ne fai ei te feagaiga a te Alike mo tino Isalaelu i te taimi ne omai ei latou keatea mai Aikupito. Ko lavea ei te mata malu o te faletapu o te Atua me ko tuku i ei te pusa o te feagaiga, e pela me ko nofo te Atua i loto i te faletapu ko mafai ei ne latou o fai fesokotakiga mo te Atua e auala i te pusa o te feagaiga. E pena foki i tou olaga kafai e olo tatou ki

lagonagina ne te tavini ko Ielemia taimi o tena kalagagina ne te Atua, ne manatu ifo a ia me koi foliki a ia. Ka tonu ne mafa i ona manatu Ielemia, me kafai e fai a ia mo perofeta ka fai faka tamaliki ne ia a te galuega. kafai e tonu, e se tioa la o gana Ielemia i a ia se tamaliki fua. Ko lagona faka tamaliki o Ielemia ko te natula fakaasi tena o te tagata, tela ko puli i a Ielemia meko te Atua pule aoao tenei ko tofigina a ia ke fai mo ana ave fekau. Muna a te Atua, koi tuai koe o fanau mai kae ko leva ne filifili ne au koe ke fai mo Perofeta ki malo. E tenei te tali a te Atua e fakaasi ei ki tena tavini me e seki sona kalagagina a ia mo fai mo Perofeta, kae ne kalagagina ona me isi se pogai.

E tenei foki te fakamanatu a te Tusi Faitau o te aso nei mo tatou. Tatou ne kalagagina ne te Atua ki tofiga kesekese me e isi se pogai, e tau la mo tatou o faka akoi taa ola kalagagina i so se tofiga; faka te malo, faka fenua, faka kaiga, kae maise i loto i te galuega a te Atua. Sa toe manatu ifo me se kafi ne tatou, kae ke maluga i taa manatu meko te Atua ka fesoasoani mai kia tatou.

Aso Gafua 24 Oketopa 2022

Tusi Faitau: Salamo 82: 1—8

Fuaiupu Filifilia: 1 (E takitaki te Atua i te fono faka te lagi; Kae

te sokoga tena o latou mo te Atua. E se ko tulafono faka Iutaia kae ko te ola fakatuanaki ki te Keliso mo te fakafougina te mafaufau ki mea lei katoa kola e fiafia ki ei te Atua.

E pena foki mo tatou Kelisiano i ona aso nei. Moa ma to fakamatamata taua o sisi taa lima ki luga ke matea mai ne te lalolagi a tou fakamaoni ki te Atua ko 100 pasene. A te ola tautua ki te Atua ko te tautua kae guguu, kae maise ke atafia i taa olaga a mea konei; amiotonu, ko mea silisili mo te Atua, ko mea lei kae logomalie kae maise te ola fakatuanaki ki te Keliso tela ko Ia ko te sokoga o tatou mo te Atua.

Aso Tapu 23 Oketopa 2022

Tusi Faitau: Ielemia 1: 4—10

Fuaiupu Filifilia: 6 (Ne tali atu au penei, “ Te Aliko sili, e se iloa ne au o faipati, au koi foliki.)

Ulu o te aso: KO LAGONA O TE TAMALIKI KI TONA KALAGAGI-NA.

Ko te tala i te kalagagina o Ielemia ke fai mo ave fekau io me fai mo perofeta a te Atua ki tona Fenua. A te perofeta e sei se tofiga faigofie, aua ka fakafeagai a ia i te vasia o te Atua mo tona Fenua, e sei la se tofiga faigofie se tofiga e faigata. I te Tusi Faitau o te taeao tenei, ko fakaasi mai a lagona ne

te faletapu o tapuaki e lavea ne tatou te malu te fale o te Atua me ko fale tela e tapuaki ki ei a tino o te fenua kola e talitonu ki a Iesu ko olotou fakaoa.

Asoono. 08/10/22.

T/faitau. 1Tupu.9. 1-9.

Fuaiupu filifilia. 4-5. Kafai e tavini mai koe ki au i te fakamaoni mo te fai mea tonu, e pela mo tou tamana ko Tavita, kae kafai foki e tausi ne koe aku Tulafono kae fai a mea katoa ne fakatonu atu ne au ki a koe. Kae ka tausi e iloa ne au taku feagaiga ne fai ki tou tamana ko Tavita me i tupu o Isalaelu ka fakasolo mai faeloa mai tena gafa.

Ulu o te Aso. Te Atua ko tali ki a Solomona.

Ko oti te faletapu mo te palesi mo mea katoa i loto ne faite ne Solomona a ko Solomona ne talo ki te Aliko ne toe fakaasi te Aliko ki a Solomona e pela mo te taimi muamua ne fakaasi atu a ia i Kipeona. Ko oti ne lagona ne te Atua te talo a Solomona ko oti foki ne fakatapu ne ia te faletapu ke fai mo fale e tapuaki atu a tino o tena fenua ki te Atua ki te se gata mai. Kae ke masaua ne koe Solomona motou gafa ke fakalogo koutou ki aku tulafono mo aku fakatonuga kola ko oti ne tuku atu ne au, kafai la koutou ko olo o tapuaki ki nisi atua ko tena uiga, ka ave keatea ne au oku tino

Isalaelu mai te fenua tenei ne tuku ne au mo latou. Ka fano foki au keatea mai te faletapu tenei. Ko oti ne fakatapu ne au ke fai mo koga e tapuaki mai ei a tino. Ne muna e fakamasaua ne te Atua ki a Solomona mo tena gafa ke tautali kae ke fakalogo ki ana fakatonuga, me kafai se fakalogo ka maua ne latou ne fakalavelave.

Asotapu. 09/10/22.

T/faitau. 1 Tupu. 12. 1-24.

Fuaiupu filifilia. 14. E pela eiloa mo te fakatonuga a ana tamataene fakatonutonu. Muna a ia penei, “A toku tamana ne fakafita ne ia koutou, kae nei ka silia atu te mea tenei ke fai ne au ki a koutou. Ne kini sale ne ia koutou ki mea kini; kae nei koutou ka kini ne au ki mea kini solofanua.

Ulu o te Aso. Tuu fakatasi.

Ko te tuu fakatasi ko te galue fakalei e fua mai ei ne mea lei mo te fai ne tatou te amiotonu mo te loto o te Atua. Ne sui tulaga Leopoamo i tena tamana ko Solomona i te taimi ne mate ei Solomona. Ne fanatu Leopoamo ki Sekema, te koga e maopoopo ei a tino Isalaelu o fakatoka mo tena fakasopoga o Leopoamo o sui tulaga I tena tamana ko Solomona. I te taimi ne logo ei Ielopoamo, te tama tagata a Napata, tela ne sola ki Aikupito mai ia Solomona ne vau a ia ki Isalaelu. Ne olo atu a tino mai matu o

fakailoaga tena o te finagalo alofa o te Atua e aualea i ana galuega ‘mana ko la ne fai ne ia, ke tausii ne ia a ola o ana fanau i te lalolagi katoa, ko te mea ke maua ne tatou te ola saogalemu i loto i te olaga tenei Amene.

Aso Ono 22 Oketopa 2022

Tusi Faitau: Filipi 4: 8-9

Fuaiupu Filifilia: 8 (Taina, konei aku toe muna, ke fakafonu otou mafaufau ki mea kola e lei kae maua mai i ei a te vikiga, e pela mo mea konei; ko mea tonu, ko mea taua, ko mea lei, ko mea maa, ko mea gali mo mea ‘malu.)

Ulu o te aso: KO UIGA O TE ATUA E TAU O ATAFIA I TE OLAGA FAKA KELISIANO.

Ko te tusi fakafetai a te apositolo ki Kelisiano i Filipi ona ko olotou mealofa mo ia Paulo kae koi falepuipui i ei a ia. E se gata i te agaga fakafetai kae ko fusi atu ei se fautuaga aua ko kessekese mo te se tonu a nisi o akoakoga i loto i te Ekalesia i Filipi. Ko lasi a te fakamatamata, ko seai se ola fakasoa atu ki nisi Kelisiano, te ola faka-kessekese mo nisi uiga ko la ko se atafia ei a te takugina a latou ne Kelisiano. Ko fautuagina la ne Paulo a Kelisiano i Filipi me ko te fakatuanaki fua ki te Keliso ko

ona ko fakalavelave ‘tupu. E pela foki mo avanoaga mo latou ko la e olo keatea mai tulaga o te fia maua o se tokagamalie o te olaga. Ko fai ei a laukele kona, mo laukele e fakatumau ei te ola filemu.

E lavea ne tatou i te Iosua 20, e fakamatala mai ei a te tufatufaga o laukele. E se gata foki i ei, e lavea ne tatou i te mataupu tenei me isi foki se fakai ko o ti ne filifilia mo latou kola e tele ke sao olotou ola mai olotou fili.

E lavea ne tatou me ko tufatufa a tu a laukele ki vaega kesekese o Isalaelu. Nei ko oko ki taimi ko tau ei o fakataunu a te fakatonuga tela ne tuku a tu ki a Mose i te (Numela 35:1-34). E 6 fakai ne filifili ko te mea ke fai mo kogaakoga e fakalafi ki ei a tino kola ne tatino fua i se mea pasala. Kae ko latou konei e ‘tau ke nofo i loto i te fakai ke oti tena fakamasinoga i te fono.

Tenei te takitakiga mo auala fakatoka a te Atua, ko te mea ke isi se fakamasinoga tonu mo latou ko la e nofo agasala faeloa. Mai loto i te fakamasinoga tonu tenei, ka mafai ei ne te tagata agasala o maua sena avanoaga o faka’lei kae tonu katoatoa tena olaga, kae mo latou ko la e seai ne olotou sala, e sao faeloa latou mai i te tulaga o te fakamasinoga.

Mo fakai ko la ne fakatoka ne te Atua mo latou ko la e fia ‘lafi mai olotou agasala ona ko te fia maua o te ola, e fakaasi mai ei me ko te

Isalaelu ki a Leopoamo o fai te olotou fekau, “A matou ne seki fai fakalei ne tou tamana ko Solomona, kae fakafita foki ne ia matou ki galuega mafa, kafai e fakamama ne koe a te amoga tenei ke tai faigofie, kae fesoasoani mai foki koe ki a matou ke lei omotou olaga, kae ka tautua fakamaoni atu eiloa matou ki a koe. Muna Solomona toku maikao tama e fula atu i te taugasulu o taku tamana. Ne tuku atu ne toku tamana ne amoga mafa, kae nei e silia atu te mafa o te amoga tenei ka tuku atu ne au ki a koutou. Ne kini sale ne Solomona koutou ki mea kini, kae nei ka kini ne au koutou ki mea kini solofanua. Se talia ne Leopoamo a muna fesoasoani o tino matua ke fakafoliki tena fakasaua ki olaga o tino e pela mo tena tamana ko Solomona. Ne fakaaoga eiloa ne Leopoamo tena maluga mo tena poto seai se amanaia ne ia a manatu fesoasoani ke tuu fakatasi i te faiga te loto mo te finagalo o te Atua.

Asogafua. 10/10/22.

T/faitau. 1 Tupu 12. 25-33.

Fuaiupu filifilia. 26-27. Ne fai ifo a ia ki a ia eiloa penei, “I te tulaga tenei ko nofo ei Isalaelu, se taumate kafai e olo atu omotou tino o ofo olotou taulaga ki te Aliko i te Faletapu i Ielusalema e iku o toe mafuli atu olotou loto o kau ki te Tupu ko Leopoamo mo Iuta ko tamate ei ne latou a au.

Ulu o te Aso. Ko maua ne au te malosi.

Te malosi tenei e faipati ki ei te tusi faitau, ko te malosi ne tuku atu ki a koe ke pule ne koe te fenua i tou tulaga fakatupu. E lavea ne tatou te tulaga masei ne fai ne Ielopoamo i tena tulaga fakatupu tiaki ne ia te fakai o Sekema te koga laukele maluga o Efalaima, i te taimi toetoe. Kae malaga atu ki te fakai ko Penueli ne nofo i tena mafaufau tulaga ka oko ki ei Isalaelu, kafai ko olo atu tino Isalaelu o ofo atu olotou taulaga ki te Aliko i te Faletapu i Ielusalema e iku eiloa toe mafuli atu olotou loto o kau ki te tupu ko Leopoamo te tama a Solomona, ko mafuli mai ei latou o tamate ei au. Ne fakataunu loa a mafaufauga o Ielopoamo o faite ne pulumakau au lo e lua mo tapuaki ki ei te fenua fililia o te Atua ko Isalaelu. Kae fakaloiloi ne ia te fenua o te Atua me konei atua ne aumai ne ia koutou mai Aikupito. Ko maua ne ia te malosi i tena tulaga fakatupu ko taki se' ei ne ia tino o te Atua, ako se fai a te meatonu e loto kae finagalo ei te Atua ke fai. E lavea ne tatou I konei ko fakaaoga se ne Ielopoamo tena malosi fakatupu o fakaloiloi ne ia te fenua o te Atua konei atua faite ne fakasao ne ia koutou mai i Aikupito, ikai ko te Atua eiloa otou tupuga ne fakasao ne ia koutou mai Aikupito. Ne uga ne te Atua tena pelofeta ko Semaia o fakailoa ki a Ielopoama a ia ka fakasala ne te Atua, tela ne mate ei tena lima. Kafai ko maua ne koe te malosi ise tofiga ko avatu ki a koe te malosi, fai te meatonu mo te alofa, e fiafia ki ei te Atua.

Konei a fakalavelave ne oko ki kolinito i aso ko teka, kae ne fakalavelave foki ko oko mai ki Tuvalu i ona aso nei. A te gali o manuia e lavea ne tatou ki otou mata e oko ifo foki eiloa ki otou loto ko ala ei o fulitua tatou ki te Muna tonu.

E tenei foki eiloa te fakamalosiga ki a taua ke toe onono ifo taua ki tulaga o te ta folafola a tu o tena Muna, me e se tonu kae e se gali foki mafai e se olotasi ta faiga mo muna e folafola ne taua. Fakaalofa te alofa o Iesu, tela e tau o tali atu tatou ki ei, ko se atagia i o ta olaga. Ke oko atu foki eiloa ki te alofa faka Iesu tela e tau o alofa atu tatou ki tavini a te Atua i te galuega, ko fai fua mo mea e mamasania i tou olaga. E manakogina ke fakatino te alofa tonu mo te alofa se gata mai o te Atua ia Keliso Iesu Amene.

ASO LIMA 21/10/22

Tusi Faitau Iosua 20: 1-9

(Matua ff 4e) kae fakamatala faka'lei ki Takitaki a te mea ne tupu. Tena, ka faulu ei ne latou ki loto i te fakai, kae tuku atu foki se koga mo ona nofo ko te mea ke nofo eiloa a ia i kona.

ULU OTE ASO: FAKAMALU KAE ATAFAI A TE OLA.

E isi ne taimi e filifili ne tatou ne koga mo fakalafi ki ei tatou

matou ki a koutou. Ke alofa mai koutou kia matou motou loto katoatoa.

ULU O TE ASO: TE ALOFA SE GATA O TE ATUA.

Te fakalavelave lasi e tupu i loto i kolinito, ko te se mau tonu mo te se tumau o tino i loto i te ekalesia. E fakalogo ki talaiga a Paulo, kae ka fuli mai a tua o Paulo, ko toe foki e iloa ki te olotou olaga mua.

Se ata faigata ki te Aposotolo. E se gata i ei, a kolinito ko te taulaga o vaka takutakua, tela e tokouke a tino valevale e nofo iei. E maua foki ne tatou i kolinito a poto valevale, ko poto faka filosofia, mo poto tau te olaga nei mo te uke o vaega talitonuga e oko ki te fenua. Konei a pokotiaga ko ala ei o fuli olaga o tino kolinito ki olotou olaga mua.

I te faitau filifilia o te aso nei, e atagia mai ei te manakoga o te Apositolo ko Paulo mo te ekalesia i kolinito. Mo Paulo, se mea se gali ko fakatinogina ne latou ona ko lavea foki i ei te se talitonu fakamaoni o latou ki mea ko oti ne talai atu ne te Apositolo ki a latou.

Te fakaoga ne te Apositolo te muna alofa ko te fakaasiga ki kolinito a te avanoaga sili i te taua ko oti ne maua ne latou e auala mai i Apositolo kola ne ofo atu olotou ola ko te mea ke mafuli mai Kolinito i te olaga fapaupau ki te olaga tapuaki ki te Atua e maua mai i te mea tonu tela ko Iesu keliso.

Amutia a kolinito aua me ne lagona ne latou a muna a Paulo e faipati ki a latou e pela mese tamana e faipati ki ana tama. Se faipatiga a se tagata e alofa tonu mo Kolinito.

Asolua. 11/10/22.

T/faitau. 1 Tupu.13. 1-10.

Fuaiupu filifilia. 6. Muna a te tupu ko Ielopoamo ki te pelofeta, “Fakamolemole talo atu ki te Aliko tou Atua ke fakalei aka toku lima. “ Ne talo te pelofeta ki te Aliko, ko te lima e iloa o te tupu ko lei.

Ulu o te Aso. Fakamagalo atu ou fili.

Ite tusi ne faitau ne tatou ko fakamolemole a Ielopoamo ki te pelofeta ke fakalei aka tena lima ko mate, ne talo te pelofeta kae tali ne te Atua te talosaga a te pelofeta tela ne lei ei te lima o Ielopoamo, Ne fakamagalo ne te Atua a Ielopoamo tela ne lei ei tena lima tela ne mate. Ko foki mai te loto Ielopoamo me iloa ne ia e se tonu tena fakatakitaki ki te fenua o te Atua e taki se ne ia, tela ne fakasala ei ne te Atua. Kae lei me i te Atua, se Atua fakamagalo ne fakamagalo ei ne ia Ielopoamo. Se akoakoga e taua ki tou olaga ke fai ne tatou te loto o te Atua, me mafai ne ia o fakasala tatou mafai tatou se fai ne tatou tena loto mo tena finagalo. Mene a tulaga o vasia tatou ki tou tuakoi me ko tou fili e tau o fakamagalo ne tatou. Te Atua ne alofa ki te tagata, ne fakamagalo ne ia, me ne faite ne ia ki ona fuliga tapu, ke toe foki atu ki a ia te tagata. Ne tiaki ne ia tena maluga, kae vau a ia o fanau ki te lalolagi I te fale o manu, ne mate I te tolu o aso ne toetu mai a ia I te tugamau, ke ola te lalolagi katoa mafai e talitonu ki

tena mate mo tena toetu manumalo.

Aso Tolu 12/10/22

Tusi Faitau: Maleko 6: 30-44

FUAIUPU FILIFILIA 37a), Tuku atu ne koutou eiloa ne meakai mo olotou kai.

ULU O TE ASO : E se ko meakai, kae ko te Muna a te Atua.

Tuku atu ne koutou ne meakai mo olotou 'kai, ko muna a te Alike ne fai ki ona soko ke fagai a te vaitino koi tuai o foki atu ki olotou fale. Ko manavase a soko ona ko pogina a te aso ako latou e nofo loa i koga e 'mao, koga seai ne tino mo sitoa iei.

Kae iloa ne te Alike olotou aofaga tela faipati atu ei te Alike ke fagai muamua a tino, e se 'tau ke tuku atu a tino ke olo likiliki kae ke olo ma-kona.

Tupu aka ei te manavase o soko me se a nei a te aofaga ke mafai ei o maua ne latou ne meakai ke fagai ei te vaitino e tokouke ona latou e nofo loa i koga e mao mo koga e maua ei ne meakai, ako te mauaga o te luagamata ika mo Puta falaoa e lima ne tuku atu ei ne latou ki te Alike ke fakatoka se 'kaiga e fagai ei te lima afe tagata.

Fakatonu ei ne te Alike ona soko ke fai ki tino ke vae ki potukauga kae ke

One ko te fia sili o te tagata, ne maluga ia ia te tulaga o te fia pule i luga o mea ola. Ko te mea e fakafanoanoa, ko oko foki te lotou pule ki nisi tino kola e ola fakaalofa, tino mativa ke fai mo olotou pologa, kae e se tenei te mea e finagalo ki ei te Alike, e se tenei foki te finagalo o te Atua tela ne faite ne ia a mea katoa i te lagi mo te lalolagi nei ke olagina ne te tagata.

Ona me manino eiloa, tatou ko tausi ne tatou te foafoaga a te Atua, kae ko te pule e toko tasi loa ko te Atua, e se ai aka foki.

E taua la te fakamasauga tenei a Kenese kia tatou, ko te mea ke iloa ne koe mo au, me ia tatou ko tino e tausi ne tatou a kope totino a te Atua. Tatou e ola i te olaga nei o tausi fua a kope a te Atua, kae se ola tatou o fia pule ki kope a te Atua o sonafai ki vaega kesekese takitasi o te foafoaga a te Atua ko oti ne tuku mai ki a tatou.

Matai Kaaiga, pule o maloo, ekalesia mo fakapotopotoga, tatou ne tuku mai ne te Atua, ke pule o atafai a tino kola e nofo mai lalo o tou pulepulega, kae se ola o sonafai a ola o latou Amene.

ASO FAA 20/10/22

Tusi Faitau: 2 Kolinito 6:1-13

(Matua ff 13) Ko faipati atu au penei kia koutou e pela eiloa koutou mo ne aku tama, fakaasi mai te lagona tonu tela ne fakaasi atu foki ne

Tavita. Lavea ne tatou te olaga o Iesu, se Takitaki loto malalo, e alofa kae agamaluu. Tenei te tupu ne valo ne te kau Pelofeta me kau o aumai ne ia a te filemu ki te lalolagi katoa.

E seai se aoga o te vau o Iesu mo ana akoakoga o te ola kae koi tumau taua o teke ki ana akoakoga, e se aoga te vau o Iesu mafai taua koi tumau eiloa o fai te masei, ke fakaoga ne taua fakalei te oko mai o te tupu fou, ke fai a ia mo pule katoatoa ki o ta olaga talitonu, kae ke maua ne taua te olaga tokaga malie.

ASO TOLU 19/10/22

Tusi Faitau Kenese 1: 26-31,

(**Matua ff 8**) Fakamanuia atu ne ia, kae fai atu kiei penei, fakatokouke otou tamaliki, ko te mea ko otou fanau ke nofo i te lalolagi kae pule iei. Ko tuku atu ne au ki a koutou te pule i luga i ika, manu eva mo manu vaefaa katoa.

ULU O TE ASO: OLA O TAUSI KAE SA SONAFAI.

Te pati pule i te gana a Kenese e se ko tona uiga ko te pule sonafai. Te pati pule ko te tausi mo te alofa kae atafai. E tasi tenei o mataupu ko lasi te fai-patigina ne te kau kelisiano ko la e puipui ne latou te fakamasei o te ene-valomene, i te taumafaiga a latou o finau, me i te gana tenei a Kenese, e se faipati ki te pule sonafai, kae faipati ki te pule o atafai.

sagasaga ki lalo i mouku lausiusi, tela sagasaga ei ki lalo a tino i laina i potukau taki tino lau, mo potukau taki tinolima.

Ne puke ne Iesu a ika e luagamata mo puta falaoa e 5 ne kilo aka ona mata ki te lagi kae avatu a fakafetaiga ki te Atua, ne tofitofi ne te Aliko a puta falaoa kae tuku atu ki ona soko ke tufatufa ki tino.

Ne kai a tino makona se mafai foki o fakapalele kae e sefululua a tapola ne fao ki meakai kola ne toe mai i te kaiga.

Te Aliko mo tena misiona ki te lalolagi ko te fagaiga o Agaga o tino kola e fia kai ki tena Muna, e se manakogina ne te Aliko ko tino ke ola likiliki ki tena Muna kae ke ola makona a latou ko te mea ke tumau latou i te fakavae e tasi tela ko te Atua tolu tasi Tapu.

Ko te Atua tela ne foafoa ne ia a te pouliga iloto i Tuvalu nei ki te mana o tena muna. A te fakapoi ki soko o te Aliko i te taimi ko afiafi se ata lavea iei me i te vaitino ko oko eiloa ite fia fakalogologo ki akoakoga a te Aliko tela tupu ei mo te manavase ki soko me i tino e tau ke kai aua ko pogina te aso.

Tela, fakatonu ei ne te Aliko ki ona soko me i tino ese tau o tuku ke olo likiliki kae e tau ke fagai muamua ke makona ko tuku ei ke olo ki olotou fale. Te misiona a te Aliko ne vau mo ia ki te lalolagi nei o fagai a Agaga o tino ke makona ki te Muna kae ke moaa e ola likiliki a tino ki tena Muna.

ASOFAA 13/10/22

Tusi Faitau Maleko 6: 53-56

FUAIUPU FILIFILIA 56b, Tuku atu fua a tino masaki ke faka patele ki te kapa o tona gatu. Kae ko latou katoa kola ne faka patele ki ei ne faigina katoa ke lei.

Ulu o te aso: Fakatuanaki ke malie.

Kafai a te loto ese malie a kita e naunau e iloa ke malie ke toka ei a te mafaufau. A tala aveave e uiga mo te Aliko i ana vavega mo ana galuega fakaola ne fai, ne fai mo mea ne naunau ei a loto o te vaitino ke oko latou ki te Aliko ko te mea ke fakamlie ei olotou loto maise ko te ola fia maua ne latou.

E fai mai te tala me i te taimi e iloa ei ne tino a te koga e nofo iei a Iesu e olo kiei mo tino masaki e sau ne latou i olotou moega ko te mea ke tuku kia Iesu ke fakaleigina a olotou masakiga.

Nisi ko se maua ne latou se avanoaga ke mafai o oko kia Iesu, ona ko te tokouke o te vaitino tela ko fai fua se faiga ke fakapatele fua lotou lima ki te kapa o te gatu o Iesu ke fakaleigina ei lotou masaki, kae e molimau mai ne Maleko me ia latou kola ne fakapatele ki te gatu o Iesu ne fakaleigina olotou masaki.

A naunauga ote loto e se mafai o fakamaliegina sei vagana ke taunu a te fakamoemoega, molimau ei ne tatou a te tala ote taeao nei i vaega ne fa-

ASO LUA 18/10/22

Tusi Faitau Isaia 11: 1--5

(Matua ff 2) A te Agaga o te Aliko ka aumai ne Ia ki a au a te poto, te atamai mo te apo i te pulepulega o ona tino. Ka iloa ne ia te loto ote Atua kae ka fakaaloalo foki kiei.

ULU O TE ASO: TE TUPU KA VAU.

Te tusi Faitau o te aso nei, e to i te vaega muamua o te tusi o Isaia io me maimua o olo latou i te tafeaga i Papelonia. Te vaega tenei o te tusi ko te vaega tela ne folafola ne ia me i te Mesia ka tupu mai i te gafa o Tavita. Ne mafua o fai a te folafolaga a Isaia ona ko Takitaki mo tino Isalaelu ko ola i se olaga fapaupau, te olaga fai mea se tonu, ko tiaki ne Isalaelu te manuia o latou tela ko te Atua, tela ne talitonu kia olotou tuua i aso ko teka.

E tenei te tulaga tela e faipati ki ei a Isaia. Mea nei se kalaga e toe fagu ei a Takitaki fai mea pikopiko o Isalaelu ko te mea ke fakaataata ne latou te tupu fou tenei ka vau mo ona uiga tela ka fakaola ei a te lalolagi. Tenei te tupu tela ka vau mo te alofa, e Takitaki ne ia a tino ki tena amiotnu, te fai mea tonu. A ia ka Takitaki ne te Agaga, ka fakamoemoe ki te Agaga ko te mea ke fakasino ne te Agaga ki a ia a te mea e tau o fai ne ia.

E Talitonu tatou te kau kelisiano me ko Iesu tenei ne vau mai i te gafa o

Te vaega o te Tusi tenei a o Isaia, ko te auala foki o latou ki Ielusalema te fakai Tapu. A muna konei e fakaasi mai te fakapatonuga o te olo keatea o latou mai i te olaga pologa maise loa mai i te fenua o tino fapaupau. Te ata la tenei e aumai i konei se ata o te fiafia, se ata o te tagata ko saoloto mai i te olaga pologa. Ke oko ki mea o te natula ko pese fiafia, ka pakalaga ona me ko toe maua ne latou se olaga saoloto.

Lavea ne tatou i te Esoto, a te Atua e se loto ke ola pologa ana fanau, a ia e manako ke ola saoloto, tena te mea ne uga ei ne ia a Mose ke fano o fakasaoloto mai ne ia te fanauga a Isalaelu mai i te pulega a Falao. E tai Agaga penei te fuaiupu filifilia o te Aso tenei, me fakaasi mai ei te tulaga tonu mo te loto o te Atua ko te mea ke ola fiafia kae ola saoloto ana fanau.

Tatou ko ana fanau, te Atua e manako ke ola saoloto ana fanau, kae ko te fakalavelave ko tatou foki loa ne fai ne tatou ke ola pologa io me ola saisaitia a tatou, e se ko te Atua ne fai ne ia ako tatou foki eiloa, ko to uke tou mafaufau, mo tou manatu ki mea se tonu ko la e mafai o agasala ei tou loto mo tou kiloga ki mea o te olaga tenei. E taua mo tatou, ko te mea ke faite ne tatou a te fakamoemoega tela e takato i te Atua, kae ke maua ne tatou te ola fou ia Keliso Iesu. Amene.

katino ne Iesu i tena misiona fakaola te mana o ana galuega aua me so se koga e nofo i ei a Iesu e mumugina faeloa ne tino ona ko te mana o ana galuega fakaola.

Tela e sala kiei a taua kola e fia maua ne taua te fesoasoani o te Aliko, ko tena fesoasoani foki tela ne fakataunu ei ne ia te loto o tena tamana i tona tautau fakaalofa i luga i te sataulo ke maua ei ne taua a te ola ki te se gata mai. Amene.

ASOLIMA 14/10/22

Tusi Faitau Maleko 10: 17-31

Matua 17b, Te faiakoga lei, se a te mea e 'tau o fai ne au ke maua ne au te ola ese gata mai?

ULU O TE ASO: TUKU ATU TOU OLA KE OLA A NISI TINO.

E fakavae mai a te ulu io me ko te manatu fakavae o te aso nei i te sautalaga a te maukoloa mo te Aliko, tela a naunauga o te loto o te maukoloa e fia maua ne ia se tali maaea mai i te Aliko e uiga ki te maloo o te lagi.

Te Maukoloa tenei i tala faka Tusi Tapu se tasi o falesaio, ako falesaio ko latou kola e tausi ne latou te tulafono i te talitonuga faka Iutaia, ne tino e fakaaloalogina i te lotu Iutaia, kae ko latou ko teke ki akoakoga a te Aliko, e tala mai a te tala me i te maukoloa tenei ne talia ne ia a akoakoga a Iesu, tela ne taumafai ei a ia ke maua se taimi o ia mo te Aliko i te po moa e

lavea a ia ne te kau falesaio.

I te taimi ne maua ei tona avanoaga mo te Aliko o sautala fesili ei ne ia te fesili tenei ki te Aliko. Te faiakoga lei, se a te mea e tau o fai ne au ke maua ne au te ola ese gata mai? Te tali a te Aliko, kai tausi aka eiloa ne koe a te tulafono? Muna a te maukoloa ne fai katoa ne au talu mai i te taimi koi foiliki ei au.

Muna a te Aliko, fano la o fakatau atu ou koloa kae tufa atu ki tino mativa, tenei te tali a te Aliko ne tuku ki te maukoloa ne fai ei mo fakalavelave ki te mafaufau o te maukoloa ona me faigata ona la a ia e ola i se olaga tokaga malie kae filemu e se manako foki a ia o foki ki lalo i se olaga mativa.

E tasi o vaega faigata ki te tagata e fakalavelavegina ei ki tena olaga ko koloa mo mea kola e pologa kiei tona mafaufau, kola e lavea ne tatou i taumafaiga a te Aliko o fakamaina ki ona soko ko te mea ke ola maina latou e uiga ki te malo o te lagi.

Me i koloa o te olaga nei e se mafai ne tatou o olo mo tatou ki te lagi, kae manakogina ke tufa a tu ki ou taina kola e fia maua ne latou se fesoasoani me ka oko mai te kalaga a te Atua ki a tatou ko tou foitino eiloa e foki ki te lagi kae ou koloa e tanu ifo katoa loa i te lalolagi nei. Amene.

katoatoaga o te tulafono. Vagana ko fuli katoatoa se tino kia Iesu ko fatoaa sulu atu te mainaga tonu o te tulafono. I te mataupu 4:1-2 ko fakailoa ne Paulo a te taua o te fakamoemoe tela e fakaasi ne ia i te Mataupu 3:12.

Ne fakamalosi ne te Atua a Paulo mo te ekalesia ke fakailoa atu a te feagaiga fou, tela e aumai ei te ola e auala mai i te Agaga. E se manakogina la ke funafuna ke se lavea te fekau io me ufiufi ke se lavea te fekau ko fai aka pela me se mea se mautinoa.

A te fekau tenei o te mainaga o te feagaiga fou i te Agaga e kese mai mo te mainaga tela ne sulu mai i foliga o mata o te Mesia kae tumau tena mainaga e pela mo te mainaga ne muamua o sulu a tu ki te pouliga (Kenese 1:3) Ko te mainaga tenei muna Paulo e iloa ei te malu o te Atua. Te mainaga o te tala lei a te Aliko ko Iesu Keliso ko te mainaga tonu eiloa tena o te Atua.

ASO GAFUA 17/10/22

Tusi Faitau: Isaia 55: 10- 13

(**Matua ff 12**) Ko tiakina ne koutou a Papelonia mo te fiafia, ka taki koutou ki tua mo te fakai mo te filemu. A mauga ka usu pese, mo lakau ka kalaga mo te fiafia.

ULU O TE ASO: TE FAKAMOEMOEGA FOU.

tatou.

Te mea sili i te taua ke mafai ne tatou o fakamautakitaki a te tou mafutaga mafanafana mo te Atua tela ko oti ne fakavae i te kamataga. Tenei ko takua ei tatou ne Kelisiano ne tama a te Atua.

ASO SAA 16/10/22

Tusi Faitau 2 Kolinito 3: 12, 4:6

Matua (ff 6) A te Atua tela ne faipati mai i te pouliga a te mainaga ka ‘pula ake!! Ko te Atua foki e iloa tela ne fai ne ia ke pula ake te mainaga tenei i omotou loto, ke maua ei ne tatou a te poto e uiga ki te ‘malu o te Atua tela e ‘pula i foliga o Keliso.

ULU O TE ASO: KO SULUGINA KI TE MAINAGA MALOSI.

I aso mua ne fakaoga a poto i fakamatala o mea funa e pela me se fakailoga e tasi o talitonuga ki mea ‘funa, kae toko mutana fua a latou kola e maua ne latou te meaalofa tena ko te mafai ne latou o fakamatala a mea funa.

E taku faeloa ne Paulo a te galuega ke iloa a te mea funa se auala malu ko fakaasi mai, e se ko tona uiga ko te atamai ko sili sala kese o te tagata, kae ona ko te taua o te tagata tenei ko Iesu. Mo te tokoukega o tino kola ne nofo i loto i fale Tapu i te kiloga a Paulo, a te fakalogo o latou ki te tulafono ko pela e iloa me ko fakalogo Isalaelu ki tulafono i taimi o Mose.

Koi isi e iloa se ufiufi tela e pono ne ia te malu o Iesu tela ko te faka

ASO ONO 15/10/22

Tusi Faitau Iopu 6: 24-30

FUAIUPU FILIFILIA 24 Ko ‘lei akoako mai au, taku mai a mea e‘se ei au. Au ka filemu o fakalogologo a tu e iloa kia koutou.

ULU O TE ASO: FAUTUAGA E SE TALAFEAGAI.

Taugasoa o Iopu ne taumafai o fesoasoani ki te toe faka‘leiga o te olaga pokotia o Iopu. Ne talia ne Iopu ke fakalogologo a ia ki olotou fautuaga, mo te fakamoemoega ka maua mai ei se fesoasoani. I loto i fautuaga a taugasoa o Iopu, ne seki lagona ne Iopu ne fautuaga e fesoasoani malosi ki tena iloa totino mo tena talitonu ki te Atua, tela ne seki fakaaoga ei ne ia a fautuaga kona.

Te fakalavelave i fautuaga a taugasoa o Iopu, e se amanaia ne latou a lagona talitonu o Iopu ki te Atua. E aumai ne latou a te lotou iloa faka Isalaelu i te Atua se Atua malosi kae fakasala tino i te mea tonu, tela e se tonu ki a Iopu. Kafai te fautuaga e se tonu kae se malosi foki tena fakavae, ka pena foki e iloa o se fakaogaa gina.

E akoako mai ne Iopu ki a tatou, ke fakalogologo tatou ki fautuaga kae ke fuafua fakalei ne tatou te fautuaga tela e fetau lei mo te olaga talitonu ne fakavae kiei tou olaga talitonu.

Ko uke a akoakoga fou kola e fautua mai ki a tatou, ke fuli keatea tatou mai te olaga mo te talitonuga ne akoako mai ne matua mo tupuna ki a